


# OMOROBBERIO O NYASAE BWOGOTOOREKA KORWA ASE ENCHILI YA YOHANA



**Inki kiagerete Yeso agakwa?**

## 1. Mwanyabanto engencho yaye nogokora amabe.

Teri akong'u gwancherana ng'a intwe twensi twakorire amang'ana aya tomanyete ng'a tari aya boronge, korende nonya nabo ntogenderete koyakora. Ayio nigo akorokwa ebibe! Twensi nigo tore n'okomocha kwogokora aya korwa ekero gi'okoiborwa gwaito.

Yohana 3:19 “Na eke nakio ekina ng'a omobaso ochire ase ense, korende abanto bagancha omosunte kobua omobaso, ekiagera ogokora kwabo kwarenge okobe.”



**Twensi nabanyabibe!**

## 2. Ase egencho eyio twanacheirwe ekina.

Yohana 6:40 “Nogwancha kwaye oyo ontomete nakwo oko, ng'a kera oyokorigererie Omwana na Komoejena, nabe nobogima bwa kare na kare, na inche nimobokie ase rituko riomoerio.”

Yohana 3:18 Oyomwengenire takagambigwa, oyotegeneti oikire kogambigwa, ekiagera tariegeneti erieta ri'omwana omomaima o Nyasae.”.

Yohana 3:36 Oyoramwanche Omwana nare nobogima bwa kare nakare; noyotamoigwereti Omwana takorora obogima, korende nendamwainu ya Nyasaye eramoikaransere.

Okomanoka 20:12-15

12 Nkarora abakure abanene n'abake, bateneine as'obosio bwa Nyasaye; chibuku chikamanorwa: ebuku ende ekamanorwa ere y'obogima; ebitondo bikagambigwa as'amang'ana arikire ase chibuku, koreng'ana nogokora kwabo.

13 Enyancha ekabirusia ebitondo bire ime yaye, Amakweri ne chimbera chikabirusia ebitondo bire ime yabo: bakagambigwa ker'omonto koreng'ana nogokora kwabo.

14 Amakweri ne chimbera chigatugutwa ase riria riera ri'omorero. Aya naro amakweri akabere, engecho yaye enyancha y'omorero.

15 Na kerabe omonto tarorekaneti orikire as'ebuku y'obogima, narutwe ase riera riria ri'omorero.



**Ekebe nkere nerigori riaye!**

### **3. Yeso noarenge ase enseye naende agakwa ase engencho yaito.**

Yohana 14:6 Yeso akamoiraneria, “Inche ninche enchera, na ekeene na obogima, monto onde tagocha ase tata ototiga gaetera asende.”

Yohana 3:17 “Naki Nyasae tatamente Omwana oye ase ense agambie ense, korende ense etoorigwe nere.”

Yohana 1:10,12 Nao arenge ase anse ime, ense egatangwa goetera asere, na abanto bense tibamomanya. Korende bonsi abamwanchete akaboa okobua babe abana ba Nyasae, nabwo bariegenire erieta riaye.

### **4. Ogotooreka nekeegwa, tari ase ogokora amaya. Goika bwegene ring'ana ria Nyasae, naende omošemerie Yeso bweka!.**

Ogootoreka n'okomwegena na komoorigania Yeso Kristo koba Omotooria. N'okwegena ekeene ng'a Yeso Kristo nakwete ase omosalaba o kalvari erio agoakanere ebibe biao! N'okomanya ng'a kende gionsi tikeiyo orakore erio onyare gwetooria otatiga komwegena Yeso Kristo agotoorie! Tari Ekanisa egotooria. Tari ebatiso, gose ogokora amaya, tari amasakramento, tari okwangama kw'ebibe, tari amasabo, tari okomenya obogima obuya —**TARI GENTO KENDE EKI ORANYARE GOKORA!**

Abafeso 2:8-9 “Naki mwatoorigwe ase obuya, ase enchera y'okwegena; ayio tarwete asemore abannyene, korende nekeegwa kia Nyasae, gose tari ase ogokora, monto onde tacha gwetogia.”

Tito 3:5 Agatatoria, tari ase ogokora kw'oboronge twakorete intwe, korende ase amabera aye ase ogosibigwa goetera ase okoiborwa gwa kabere. Nabo agatokora abayia n'omoika omochenu.

Ogokora kwa Abatumwa 4:12 Gose ogotooreka tikori ase onde bwensi, ekiagera erieta rinde tirire inse ye erioba intwe mwanyabinto twaetwe eriranyare gototooria.

## **5. Goika obeke okwegena kwao ase Omonene erio onyore obogima botakoera!**

Yohana 5:24 “Ekeene, Ekeene, nabatebirie: Oyokoigwa ring'ana riane, na kowegena ere oyantomete nare nobogima bwa kare na kare, gose tagoika ase ekina, korende oetire korwa ase amakweri, oikire ase obogima.”

Yohana 6:47 “Ekeene, ekeene, nabatebirie: ere oyonyegenete inche nare nobogima bwa kare na kare.”

Yohana 10:28 “inche nachieire obogima bwa kare na kare, nonya nomonto tagochitaboria korwa ase okoboko kwane.”



*Onye kioganetie Yeso Kristo abe omotoria oo erio onyore okwaberwa kwe ebibe korwa ase Nyasae, saba ogosaba oko. Gosaba Ogosaba oko gose amasabo and tagogotooria. Nekero oramwegene Yeso Kristo nario oranyore okwaberwa kw'ebibe! Ogosaba oko nengencho yokomworokia Nyassae okwegena kwao na komoiranereria mbuya mono ase amabera aye.*

"Lord,

**Nimanyete ing'a inche nomonyabibe. Nimanyete ninganeirie konyora onsi ayakoretwa nebibe, aya are amakweri nomorero otakoera. Ase igo namwengenire Yeso Kristo nere omotoria. Negenire ing'a ogokwa na okooroka kwaye kwaretire okwaberwa. Namwengenire Yeso na Yeso bweka koba Omonene ase ogontooria na kong'abera ebibe. Amina**

**Onye gwasabire ogosaba oko - koreng'ana n'ering'ana ria Nyasae - AYE GWATOOREKIRE!  
ALLELUYA!**

Aye nigo ogoteba, inche naki ntaigweti okoonchoreria konde. Rengereria? Ogotooreka tikori ase okoigwa kwao. Nigo kore ase ogokora eki NYASAE ATEBIRE!

Nyasae agateba, koramoariganie na komwegena Yeso Kristo, Gwatoorigwe. Rora amariko tari goteba ng'a 'keranyarekane' notoorigwe - korende nigo agoteba 'gwatoorigwe' AYE GWATOOREKIRE naki, onde bwensi orarangerie erieta ri'Omonene natoorigwe. Abarumi 10:13

Aye kwamwengenire Yeso Kristo? Rora eki Yohana 3:36 agoteba! Igo agoteba aye nigo ore n'OBOGIMA BWA KARE NA KARE! Tari Kero kende, gose keranyarekane, - KORENDE NIGO ORE - AYE GWATOOREKIRE!

Oyoramwanche Omwana nare nobogima bwa kare na kare; noyotamoigwereti Omwana takorora obogima, korende nendamwamu ya Nyasaye eramoikaransere.. Yohana 3:36

Mosani, onye gwasabire ogosaba oko, na kwamwariganirie Yeso Kristo - AYE GWATOOREKIRE! Ase ogosemeria obogima bwa kare na kare, obwo Nyasae, OYOTARI KONG'AINERERIA, ariete eira nyuma y'omochakano bw'ense Tito 1:2